

▶ PELEC'H-PEGOULZ ?

Dalc'het e vo Skol-Hañv 2018 KEAV
e Kastellin e lise ar Stêr Aon
(lise labour-douar ha liorzhouriezh).

Div sizhuniad studi ha dudi a vo kinniget :

- > Sizhunvezh kentañ : 8-14/07/2018
- > Eil sizhunvezh : 15-21/07/2018

Eus ar Sul da noz
betek ar Sadorn, goude pred kreisteiz

E-pad an div sizhun-se
e vo degemeret ar vugale 6-13 vloaz
gant ur skipailh buhezourien en un « alsh »

E-pad ar sizhun gentañ
e vo degemeret ar gennared 14-16 vloaz

▶ PEGEMENT ?

(Ar prizioù a zo evit ar c'hentelioù, ar boued hag al lojeiz)

Priz ur sizhuniad staj : 270 €
Studierien amzer-leun ha tud dilabour diwar
desteni : 230 €

Ret eo paeañ an hanter a-raok ar staj
kas ar chekenn gant ar folenn-enskrivañ
da g-KEAV.

Un niverenn stummadur dibaouez
a zo gant KEAV

KAMP ETREKELTIK AR VREZHONEGERION

Skol-hañv KEAV a zo anezhi ur bodad tud laouen
oc'h en em gavout asambles evit klevet ha komz
brezhoneg a-hed an devezh hag e-pad ur sizhun, pe
ziv ; bevañ e brezhoneg ha reiñ tro d'an deskarded
da zesiñ ar yezh o soubañ er brezhoneg a-hed an
amzer.

Anez gouzout diazezoù kentañ ar brezhoneg (ur
bloavezh studi pe zaou) n'hall ket staj KEAV dougen
frouezh deoc'h. D'an deraouidi e tegasomp soñj e vez
aozet stajoù evite er memes mare.

Degemeret e vez bugale ha krennared gant o zud
en un ALSH (Accueil Loisirs Sans Hébergement) pe en
ur gevrenn « Yezh ha Dudi ».

Kentañ ha diwezhañ evezhiadenn e galleg

Le stage d'été de KEAV, c'est plus d'une centaine de personnes heureuses de se rencontrer pour entendre et parler breton. Pour chacun, le faire, c'est un choix, un plaisir : pour respecter cette volonté commune, chacun choisit de s'exprimer uniquement en breton. Cet effort est également un élément indispensable de l'apprentissage. Le stage de KEAV est connu pour cela. En s'inscrivant, chacun est donc conscient de l'engagement auquel il souscrit.

LE BRETON EST LA SEULE LANGUE UTILISÉE PAR TOUS AU COURS DU STAGE.

Le stage ne peut profiter véritablement qu'aux personnes ayant des bases élémentaires suffisantes du breton. Nous rappelons qu'il existe des stages pour débutants à la même période.

E Kuzul ar Brezhoneg emañ KEAV

KEAV

22 hent Mouliouen 29000 KEMPER

Pgz : 02 98 95 59 31

Postel : keav@wanadoo.fr

Lec'hiennoù : keav.bzh



Franck : Nolwenn Gouzien
Grafezh : Olwen Manach / www.olwen-manach.com

2018

Kamp Etrekeltiek Ar Vrezhonegerion



SKOL HANV

Mont war-raok
Bevañ e brezhoneg

KASTELLIN

8-14 a viz Gouere
15-21 a viz Gouere

PETRA VO GRAET ER C'HAMP ?

(Eus 9e da 12e hag eus 2e da 5e)

E pep sizhun ho po da zibab etre :

Ar c'hentelioù war ar brezhoneg

Studiañ ar brezhoneg e kentelioù aozet a strolladoùbihan a vo kinniget. Pemp strollad a vo. An dud ne gomprendont ket pe ne gaozeont ket aezet-tre a zo o flas en unan eus ar strolladoù 2a, 2b ha 3 ; ar re uheloc'h o live a vo en o bleud er strolladoù 4 ha 5. Dre destennoù pe c'hoarioù e vez studiet ar brezhoneg, ar c'heriaoueg, ar yezhadur, hag an distagadur diouzh doare pep kelenner. Lakat ar stajidi da gaozeal e mod pe vod, diouzh o live, eo ar pal.

Ar rummadoù war un danvez

Ar re a oar komz ha skrivañ mat brezhoneg a c'hall bezañ en ur rummad kentelioù evit pleustriñ war un danvez. N'eo ket un « dra da zibab » evit ar re a heulio ar c'hentelioù war ar brezhoneg. A-hed an devezh e vo labouret war an danvez dibabet hag e-pad ar sizhun. Dibab un danvez a ranker ober hag unan nemetken.

E-maez ar c'hentelioù, evit an holl :

Da greisteiz : kan (ha dañs hervez an animatour)
Goude 5 eur (hervez an deizioù) : pourmenadennou, c'hoarioù, mont da welet tud eus ar vro, ober sport, kemer perzh e kaozeadennou, stadioù labour a bep seurt, seller ouzh filmoù...

Ar vugale a zo etre 6 ha 13 vloaz a vo degemeret bemdeiz en ur greizenn dudiañ eus 9 eur vintin da 5 eur enderv. Ar grennarded etre 14 ha 16 vloaz a vo degemeret ar sizhun gentañ en ur gevrenn « Yezh ha dudi ». Nullet e vo ma n'eus ket a-walc'h a enskrivadurioù.

Ar vugale yaouankoc'h evit 6 vloaz a chomo a-hed an devezh e karg o zud. Degemeret e vint er rummad « Brezhoneg er familhoù » savet evito gant sikour Diskouarn.

AR SIZHUN GENTAÑ

Ar c'hentelioù war ar brezhoneg

Ar stajidi, lodennet diouzh o live etre pemp strollad, a gaozeo hag a studio brezhoneg e kentelioù un eur ha kart, un eur a-wechoù, gant daou gelenner d'an nebeutañ.

Strollad 2a Strollad 2b Strollad 3
Strollad 4 - Strollad 5

Strollad 2a Strollad 2b Strollad 3
Strollad 4 - Strollad 5

Ar rummadoù war un danvez

Pemp rummad kentelioù war bep a zanvez a vo evit d'an dud a oar kaozeal ha skrivañ mat a-walc'h brezhoneg da bleustriñ war un danvez a blij dezhe. Setu an temoù, an danveziouù :



Hervez niver an dud enskrivet, pe abalamour d'un dra dic'hortoz all, e c'hall unan bennak eus ar rummadoù pe eus ar c'hentelioù bezañ lamet kuit eus ar program.

Titouroù, program ar rummad-mañ-rummad, a gavoc'h war hol lec'hienn. Kaset e vo ar program deoc'h ma c'houlennit.

Displegadennou war an doare da gelenn a vo bep sizhun evit an danvez skolaerien/keleñnerien.